

大師范善遠同盟助就郡中張侯瓖秦傑公  
田以助堂廚御前宣賜沉香斗真鐘磬及御  
書觀額拱辰殿高安鎮觀宇正殿崇奉皇帝  
本命星君名清平萬壽殿縣令姚德輝叙其  
事不著年月今歸併桐栢廢

佑聖觀

其觀在縣東一百步妙山之上舊係城隍廟  
基宋宣和間徙于縣之東北隅南渡後曹開  
府勛建觀元朝大德間重修監邑不伯公有  
記有刻碑在今觀無額而境民崇奉香火不  
廢

仁靖純素二宮

二宮在桐栢觀左右元朝前至元間桐栢道  
士王足菴真人字中立遭遇世祖皇帝宣授  
仁靖純素真人遂於其右嶺舊白雲觀基建  
官曰純素又於其左嶺曹開府冲喬居故址  
建宮曰仁靖

天台山志

龍瑞觀禹穴陽明洞天圖經

宋翰林學士李宗諤修定

會稽龍瑞觀在縣東南一十五里即大禹探  
靈寶五符治水之所唐神龍元年置懷仙館  
開元二年勅葉天師設醮而龍見因改賜今  
額

會稽山在縣東一十二里揚州之鎮山曰會  
稽山海經云上多金玉下多珠石一名衡山  
輿地志云會稽山一名衡山其山有石狀如  
覆繭亦謂之覆繭山皇覽曰會稽山本名苗  
山越傳曰禹到大越上苗山大會計爵有德  
封有功因而更名苗山曰會稽史記封禪書  
云禹封泰山禪會稽黃帝玄女兵法曰禹問  
風后曰吾聞黃帝有負勝之圖六甲陰陽之  
道今在乎風后曰黃帝藏於會稽之山其坎  
深千尺鎮以盤石又遁甲開山圖曰禹治水  
至會稽宿於衡嶺宛委之神奏玉匱之書十  
二卷以授禹禹未及持之四卷飛入泉四卷  
飛上天禹得四卷開而視之乃遁甲開山圖  
因以治水訖乃緘書於洞穴按龜山白玉經

曰會稽山周迴三百五十里名陽明洞天一  
也唐開元十年封四鎮為公故會稽山為南  
鎮永興公

宛委山在縣東一十五里遁甲開山圖曰禹  
開宛委山得赤珪如日白珪如月長一尺二  
寸吳越春秋曰九山東南曰天柱號宛委承  
以文玉覆以盤石中藏金簡書以青玉為字  
編以白銀禹東巡狩至衡山血白馬以祭之  
見赤繡衣男子自稱元夷蒼水使者欲得簡  
書知導水之方請齋於黃帝之墟禹齋登山  
發石果得其文乃知四瀆之限百川之理遂  
周天下而盡力於溝洫矣一名石黃山輿地  
志云宛委山上有石匱壁立千雲升者累梯  
而至  
射的山在縣南一十五里孔曄會稽志云射  
的山畔有石室乃仙人射堂東峯有射的遺  
望山壁有白點如射的土人常以占穀貴賤  
故語云射的白米斛百射的玄米斛千西有  
石壁室深可二丈遙望類師子口人謂之師  
子巖即仙人射堂也

箭羽山在縣東一十六里孔靈符會稽記云此山有射的山西南水中有白鶴為仙人取箭因號箭羽山

鄭洪山在縣東三十里後漢鄭洪字巨君會稽山陰人也孔靈符會稽記云射的山南有

白鶴山此鶴為仙人取箭漢太尉鄭洪嘗採薪得一遺箭項有人免見洪還之問何所欲

洪識其神人也曰常患若漢載薪為難願朝南風暮北風後果然故若耶溪風至今猶爾呼為鄭公風亦名樵風

自龍瑞觀以下并山並見越州圖經巨樞伏親唐開元以來泊聖宋每年春遣使投玉簡

放金龍於陽明洞即大禹治水藏書之穴也方於治平年間罷此禮巨樞又伏觀寧州真

寧縣圖經載仙人之事言唐明皇夢身在羅互與群仙會尋訪問寧州真寧縣有羅卿互

里乃遣使往彼求訪神仙無所得憂惶間遇一老人問其所求乃指使者曰隨我行及前

忽見老人化為白兔入地穴使者隨而掘之獲二十七玉仙人各面前有一牌並列姓

名得道處若鄭思遠泰山得道荀安禮華山得道並齋歸京師入內道場供養備見事實此粗記其略貴亦知共大槩耳政和四年二月越州特奏名進士勅授灘助教巨葉樞謹記

龍瑞觀禹穴陽明天圖經

正一天師清微弟子 洪百聖 作  
道教學術資訊網站

四明洞天丹山圖詠集序

海 遼 史 陸 川 曾 聖 撰

四明山在東海上山有四穴通光巖天宇澄靈望之一如戶牖土人名之曰石窓故山以名唐置州治今餘姚又因以明名郡宋政慶

元舊治更置縣本朝陞州而山屬餘姚在州南百里圖則山麓祠宇觀所刻也其一曰元

建觀之圖其二曰唐遷觀之圖擊言之則曰四明山也木玄虛云天下洞天三十有六四

明第九其號曰丹山赤水是也按山接大蘭山形勢蟠結周回三百八十里有二百八十

峯高二百一十丈常有雲氣覆冒於中凡二十里不絕二十里間名曰過雲南曰雲南北

曰雲北山隴行三十里有峯曰三台山曰屏風曰石屋曰雲根石屋雲根間有瀑布如懸

河旁曰潺湲洞三台之側有龍湫後漢下邳劉綱為上虞令棄官同妻與氏雲翹居潺湲

洞側從白君得仙術其上有洗藥溪學成會交友登大蘭山頂攀巨杉升其上舉手別呼夫人次之俱仙去遺履山下化為卧虎後人